

gustav / January 31, 2014 01:26AM

[能一念為一切劫發生之藏，開顯證悟諸法本性 ... 《大方廣佛華嚴經卷二十七》](#)

善男子！我唯知此菩薩於無量劫，遍一切處，示現受生自在神變解脫法門；如諸菩薩摩訶薩能一念為一切劫發生之藏，開顯證悟諸法本性，以善方便普現受生，願常供養一切諸佛，精勤究竟佛法現前，諸趣受身如影普現，一切佛所坐蓮華座，隨應化度成熟眾生，普於世間現大神變，圓滿大智通達無礙，於諸三昧皆得自在，示成正覺轉妙法輪，證入甚深無礙法界，了知一切眾生心性，開示一切功德之相，發起廣大心自在力，獲得一切降魔怨智，順入一切如來境界，隨諸眾生普現色身；如是菩薩智功德行。

《大方廣佛華嚴經卷二十七》，罽賓國三藏般若奉 詔譯 ([CBETA全文](#))

Edited 1 time(s). Last edit at 01/31/2014 01:31AM by gustav.
